

# QUÆSTIO MEDICA.

*Quodlibetariis Disputationibus manè discutienda in Scholis Medicorum, die Jovis decimo quarto Februarii.*

M. FRANCISCO BAILLY, Doctore Medico,  
Præside.

*An succus nutritivus à sanguine diversus ?*

I.

QUICQUID delirent otiosi & nugatores philosophi, qui pro veris imaginatio-  
nis suæ somnia proponunt, pauca in scientiis naturalibus à priori haurire licet ex  
mathesi; reliquum omne quod scitur, exiguum quidem experimentis & observationi-  
bus effectuum innititur. Quod si ultra progressus, undè & quomodo fiant exquirere  
& rimari altius tentaveris, cave ne densa hypotheson caligine involutus, vel turpi-  
ter hateas, vel cæcutientis instar turpius impingas. Sensibus itaque & mathesi tanquam  
utroque crure innixa ratio physicam omnem medicamque explet artem. Hinc orbicu-  
larem fluidorum in machinâ hydraulico-pneumaticâ motum vitam animalem consti-  
tuere rectè dixeris. Sequuntur ex ejusdem motus legibus necessariò effluxus partium  
& ablatio indefinens; quoniam perpetuo nisu invicem agentium solidorum & liqui-  
dorum, molecule partium solidæ dereruntur, atque unâ cum portione superflua li-  
quidorum avolare solent. Diffluunt hæc per extremas arteriarum appendices, & per  
cutis poros viam sibi parant insensilem. Hoc autem effluxu ita rarefieret corpus nisi  
continuò refarciretur dissolutionis hujus dispendium, ut laxato partes solidas inter &  
fluidas æquilibrio, intra paucos dies deficeret animal. Inde exurgit alimonii necessitas,  
succus scilicet alicujus qui vacua proximè occupet spatiosa ab effluxu moleculis dere-  
lictâ, & qui vi circularis motus adactus partes omnes sustentet ac nutriat.

II.

NUTRITIONIS materia aliquomodo per effectus deprehenditur; at illius artifi-  
cium adeo occultum est, ut non mirum si ferè incognitum illud probent tot  
tamque varia physicorum systemata. Placuit antiquis spermaticum corporis & san-  
guineum distinctio partium, & tamen utrisque succum nutritivum sanguinem fini-  
xere. Sectione analyticâ neoterici partes omnes spermaticas esse observant; & quas  
veteres sanguineas dicebant propter affusionem sanguinis, non secus ac alias succo  
nutriti à sanguine diverso merito pronuntiant. Ex his non pauci succi nutriti no-  
mine chylum donaverunt, cujus moleculis mediante sanguine ad partes delatis, quod  
ex iis deperisset, reparari existimavere. Sed his quoque assensum denegare audemus.  
Succum igitur nutritivum & à sanguine & à chylis distinctum dicimus, non ex alimen-  
torum evolutis principiis, sed integranibus particulis constatum. Insurgent recentio-  
res Chymico physici: sed quid autem contra hîcere? Si sanguinem, aiunt, chylumve,  
principiis evolutis turgescences succos, seponas, de sulphuribus, salibus, aliisque ele-  
mentis sui generis partes restauraturis actum erit. Absque sulphuribus nec medulla, nec

adepti, nec axungia reparati poterunt. Num absque tartareis terreisque particulis concipi queunt ossium cartilaginum aliarumque ejusdem generis partium nutritio? Si salia desint percunt omnes utriusque generis glandulæ, illarumque hospites fermenta. Si tandem huic liquori defuerint spiritus, & sulphura volatilia, penuria profectò aderit spirituum animalium magna vel potius omninò aberunt. At parcius ista nobis. Remanet enim sua cuique ingelforum alimentorum indoles moleculæ. Sulphurea est si sulphurea fuerint alimenta; si salina nec deerunt salia. Glandularum autem fermentorumque sit facilis jactura physico. Illarum enim usus commentitius; horum existentia fictitia. Spiritus animales suppedabit tritura jugis. Cave tamen existimes ex concessis, vel delectu quodam similes moleculas sui generis partibus adherere; vel opus esse spiritibus animalibus qui nutritionis materiam adtuent, (ut ajunt) & insipient, & ad designata nutricatûs opera quasi instituunt. Illud solidorum est pensum; & qui liquor tenuitate suâ omnes omninò corporis partes penetrare ac pervadere potis est, qui gaudet particulis ductilibus, mollibus, fibrosis, glutinosis, is etto quem quaerimus succus nutritius. Hunc verò diversum esse tum à chylò tum à sanguine convincit quæ sese offert ultrò dilucida ratiocinatio. Ante chylicationem exitit nutritio, quin & ante ipsam sanguificationem. Præter hæc nec chylus nec sanguis requisitas ad perfectam nutritionem dotes habent. Si succum ergo reperias qui sanguinem existentia præcitet, qui varios ulterioremque perfectionis gradus nutritioni necessarios habeat qui sanguini non competunt, jure affirmaveris hunc esse succum à sanguine diversum.

## III.

**A**ST primæva adest humotum omnium lymphæ, ipsorumque terminus ultimus, ad quem tendunt tot itus, reditusque per vascularem compagem. Huic perficienda apta nata sunt tot organa, canales pulsatiles, oscillantes fibræ, pistilli, moles, quibus lævigatur permixta sanguini chyli portio in lympham evasura, ut succi nutritii partes apprimè sustinere valeat. Lymphæ igitur nobis est humor ille benignus quò mulieris ovum maturum turget, qui primus fibrillarum vim oscillantem experitur, & à quo cujusque partis stamina crescendi initium faciunt. Hic enim embitionis membræ vix dum delineata vivificat, expandit, & nutrit ante natum sanguinem. Eidem succo, pisces instar, innatat materni uteri carcere clausus membranisque septus, nec tam ipsi per umbilicalia sanguinem communicat mater, quàm lympham sanguini permixtam. Nec utero tenus officium lymphæ continetur quæ ut nascituro vires dedit, ita & in lucem erumpenti, & janijam nato parvulo adauget & confirmat. Eâ subinde & minutatim dilatantur canales & vasa ad totius corporis incrementum; eadem usque subsidiariâ jam adultus effluxus detrimenta recuperat. Illâ partes omnes, vim suam & molem ruerunt. Ex hoc theoremate tanquam corollarium fluit, Hujus problematis solutio cur post citiorem ablaetationem tam frequenter rachitide obhiscantur pueri, quas curare non pharmaca, sed solius lactis iteratus valet usus. Solidiora nempe alimenta rigidiores suppeditant moleculas in fibrarum interstitia incupearî nescias, ipsorumque vâculas dilatare impotentes. Carent illæ mollitie, flexilitate, tenuitate, aliisque succi nutritii dotibus, quod debilitatibus adhuc subjaccant pistillis & organis: perfectæ robustiorisque triturationis incapacia corpuscula in lympham tenuari nequeunt. Et tamen in rachitide tentatis floridus adest sanguis, copiosus pro corpusculi mole, & sensuum judicio perfectus. Tandem sanguineas partes lymphâ nutrirî negas? Has calidâ multoties affusâ aquâ colore spoliabis rubro, sensûque percipies illas incrementum suum, & nutritionem huic succo debere. Urges adhuc, Carnes explora, vasa, membranas cartilagine ossa ipsa coctione mollia reddes, fibrosumque deteges partium omnium contextum. Uterius progredere. Hæc omnia gelatinam fundent, totaque in mucaginem diuturniori coctione abibunt. Est enim nutritio generatio quædam continuata, & quibus constant corpora, iisdem nutriuntur,

## IV.

**S**CIRE optas quid sit humidum primigenium. Lymphæ non secus ac succi nutritii, humidî etiam radicalis nomen jure sibi vindicat. Hæc fovetur calidum innatum seu fibrarum elasticitas, robor & oscillatio, quibus cuncta moventur. Hæc sunt orbiculares liquidorum motûs adminicula, quem, dum rectè peragitur, benignus & salutaris calor sequitur per artus omnes late diffusus. Licet autem lymphæ parte constant

gelatinosâ & aqueâ sensibus homogenea existat, varii tamen generis moleculas abscondit, quarum sensum fugit tenuitas liquido velata aqueo. Dulcis hic humor triturationum organorum (quæ continuò rore tenuissimo reficit) vi subjectus, mille modis torquetur, doresque sibi proprias cruori denegatas, ab illâ pressioris vi, tot simul agentium quasi molarum habet, fluiditatem nempe eximiam: diu vividèque verberatus, varia occurrentium anfractuum & bifurcationum collisione, tenuitatem acquirit exquisitam, à molecularum attritione dulcedinem, à mucilaginoso succo molliem, à gelatinoso flexibilitatem. Propter istius succi continuum motum, quæ pressioris vi adunantur partes gelatinosæ, flexilem mobilemque ac lymphæ innatantem portionem constituunt fibrosam. Ex harum combinatione fit ros ille salutaris & benignus quo cunctæ, dum allabitur, beantur partes & reficiuntur; qui licet magnam sanguinis partem constituat, ab illo tamen diversus existit. Si physicos cujusvis ætatis audiamus, sanguis omnia animalis œconomix adimplet munia; reverà tamen motus varios solummodo patitur, quos eis solida communicant, meninges scilicet, earumque appendices, à quibus primariò movetur, non secus ac aqua, quæ modò ab aëris pondere sequi declivitatem cogitur; modò in canales coarctata, vim & velocitatem acquirit; vel utriusque generis antliâ compressâ sursum pellitur & salit; tandemque immota jacet, si sui iuris relinquitur. Sanguinem nuncupant alii massam illam humorum per vasa excurrentem, ut humores quatuor nondum existentem divisam. Alii liquorem ex salium vario genere constatum asserunt, sulphuribus contemperatum, phlegmate dilutum & fermentorum omnium parentem. Sed oculos aperi: sanguinem invenies duplici parte constantem, rubrâ nempe & albâ, ut in saphenæ sectione observare est. Rubræ usus incognitus, fortèque nullus; cum non pauca animalia illâ careant: saltem in eâ positam sanguinis essentiam ne existimes, quâ destituuntur multæ corporis partes, quæ tamen nutriuntur & vivunt. Istud probat etiam illius proportio cum albâ, quæ est quasi unum ad tria. Hæc siccata rubrum exhibet pulverem, alba verò in portiones fibrosam, gelatinosam & aqueam dividitur. Fibrosa oculis conspicua est: igni si serum apponas, gelatinosam observabis. Hæc est sensibilis cruoris resolutio. Ex cujus parte albâ multoties trituratâ & ad tenuitatem eximiam redacta exurgit lymphæ illa limpida corpori novas afflatura vires, molemque auctura vel saltem conservatura.

## V.

HIS positis quomodo se exerceat œconomia animalis hæres? nec sine causâ. Parum enim adhuc organorum structura, parum ipsi liquores innotescent. Sed quantum analogisimo ex observatis conjectare licet, hæc nobis, scrutator nimium curiosè, veritati magis consentanea videntur. Pulsâ fermentorum & fermentationis tyrannide, quam non novit natura ab arte multum dissita, explosis glandulis malè conceptis, secretionem & triturationem tota perficitur historia animalis œconomix. Alimenta in ore dentibus divisa affusione aquei humoris seu salivæ, laxata mollescent, & in ventriculum jam diluta cum pervenire, iterum potius & aquei liquoris permixtione solvuntur, agentibus & contentibus carneis ventriculi fibris, interiorisque tunicæ rugis. Triturationem hanc adjuvant particulæ aëris rarefactæ viscerum calore, quorum certè ad divisionem alimentorum magna vis est. Ingesta itaque omnia his instrumentis adjuvantibus, diaphragmate cæterisque musculis comminuuntur, teruntur, & in liquorem variæ molis & figuræ, partes continentem, sensuque homogencum, convertuntur. Hic nihil aliud continet quam tenues confusas & dilutas integrantes ciborum partes, non verò elementa cujusvis generis somniata à Philosophorum plebe. Primâ tenuioris dilutionisque hujus liquoris secretionem factâ, post bilis & succi pancreatici affluxum, contorquetur hic per lactea vasa, & per alios ductus in assensum cogitur hydrostaticis legibus in subclaviam, quâ ad cor devehitur, unde tanquam ex antliâ vibratus in pulmonem unâ cum sanguine aëris vi, (qui nusquam pulmonis tunicas penetrat) inibi premitur, teriturque. Inde per pulmonis venam redux iterum & eadem vi in omnes corporis partes vibratur, quæ quidem vis immensa pulsantis familiæ ipsum etiam ex iisdem ressum facit per arterias recurvatas sive venas: sunt enim illarum continuatio. Chylus sive integrantes ciborum partes jam comminutæ in corde iterum commoliuntur, magis adhuc in pulmone teruntur, eandem rursus torturam in altero cordis sinu experiuntur, tandemque ulterius in corculis anfractuosis vel arteriis premuntur, bifurcationibus allidunt, musculus artuum in variis moribus conteruntur. His additâ membranarum oscillantium pressione continuâ magis

ac magis atteruntur. Potentiæ tot simul <sup>4</sup> junctæ ab eodem principio profectæ, vim illam constituunt quâ secretionem fieri solent. Hæc eadem vis tot repetitis ictibus molis chylosæ partes immutat, cujus tenuiores tandem toris instar in partium substantiam faciunt; dum aliæ per arteriarum appendices (excretoria dixeris vasa) consociatæ, in variis partibus novos efformant liquores, rubra autem sanguinis portio unâ cum crassiori albâ quæ sanguis est, remeat in cor.

*Ergo succus nutritius à sanguine diversus.*

### Domini Doctores disputaturi.

M. Joannes Herment, Regia  
utriusque Aula Equestris  
Medicus ordinarius.

M. Jacobus Fournau.

M. Carolus Thuillier.

M. Stephanus - Franciscus  
Geoffroy, Regia Scientia-  
rum Academia Parisiensis,  
Regiæque Societatis Londi-  
nensis Socius & Regius Pro-  
fessor.

M. Michael - Ludovicus Re-  
neume de la Garenne, Re-  
gia Scientiarum Academia  
Socius.

M. Carolus Bompart.

M. Franciscus Aignan.

M. Raymundus Jacobus Finot.

M. Nicolaus Andry, Profes-  
sor Regius.

Proponebat Parisiis JOANNES-DAMIANUS CHEVALIER,  
Andegavenfis, Baccalaureus Medicus, A. R. S. H. 1715.

---

Typis JACOBI QUILLAU, Universitatis, & Facultatis Medicinæ  
Typographi.